



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶՊԵՏ

ՈՐՈՇՈՒՄ

2016 թ. դեկտեմբերի 16

N 171-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶԻ ՎԱՐԴԱԲԼՈՒՐ ՀԱՄԱՅՆՔԻ ՂԵԿՎՎԱՐ ԱՐՏԱՎԱԶԴԴ ԳԱԼՍՏՅԱՆԻՆ ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի նախագահի 2015 թվականի դեկտեմբերի 16-ի N337-Ա հրամանով հաստատված ժամանակացույցի համաձայն՝ Հայաստանի Հանրապետության Արագածոտնի մարզի Վարդաբլուր համայնքի վարչական սահմաններում գտնվող հողերի օգտագործման և պահպանման նկատմամբ Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմի գեոդեզիայի և հողային պետական տեսչության կողմից կատարվել են տեսչական ստուգումներ, որի արդյունքում պարզվել է, որ համայնքի վարչական սահմաններում ընդգրկված համայնքային սեփականություն հանդիսացող 11.8 հա գյուղատնտեսական նշանակության վարելահողը վարձակալության իրավունքով տրամադրվել է 9 քաղաքացիների, որոնց հետ կնքված պայմանագրերը չեն ստացել նոտարական վավերացում և պետական գրանցում, իսկ 167.94 հա արոտավայրերը փաստացի օգտագործվում են համայնքի բնակիչների կողմից առանց վարձակալության պայմանագրեր կնքելու և որոնց համար վարձավճարներ չեն գանձվում:

Խախտվել են Հայաստանի Հանրապետության հողային օրենսգրքի 43-րդ հոդվածի 2-րդ մասի և Հայաստանի Հանրապետության կառավարության 2001 թվականի ապրիլի 12-ի N286 որոշման պահանջները:

Ելնելով վերոգրյալից և ղեկավարվելով Հայաստանի Հանրապետության վարչական իրավախախտումների վերաբերյալ օրենսգրքի 244⁹ և 56¹-րդ հոդվածներով՝ **ո Ր Ո Շ ՈՒ Մ Ե Մ**.

1. Վարդաբլուր համայնքի ղեկավար Արտավազ Գալստյանի նկատմամբ նշանակել տուգանք՝ **հարյուր հազար դրամ**, որը ենթակա է վճարման սույն որոշումը նրան հանձնելու օրվանից ոչ ուշ, քան 15 օրվա ընթացքում՝ 900005243119 հաշվեհամարին:
2. Սույն որոշման պատճենը երեք օրվա ընթացքում հանձնել Վարդաբլուր համայնքի ղեկավար Արտավազ Գալստյանին:
3. Սույն որոշումն ուժի մեջ է մտնում Վարդաբլուր համայնքի ղեկավար Արտավազ Գալստյանին հանձնելու պահից, որը կարող է գանգատարկվել դատական կարգով՝ 30 օրվա ընթացքում:



Գ. ԳՅՈՂԱԼՅԱՆ